

清庙之什毛诗传



清廟之什毛詩詁訓傳第廿六

頌一

詩十九

鄭氏箋

王氏補箋

清廟祀文王也

周公既成雒邑朝諸侯

率以祀文王焉

清廟者祭有清明之德者之宮也謂祭文王也天德

清明文王象焉故祭之而歌此詩也廟之言貌也死者精神不可得而見但以生時

之居立宮室象貌為之耳成洛邑居攝五年時

於穆清廟肅雍顯相

於歎詞也穆美肅敬雍和相助也箋云顯光也

見也於乎美哉周公之祭清廟也其禮儀敬且和又諸侯有光明著見之德者來助祭

補曰肅離婦容顯相婦入夫廟之稱禮曰孝
 顯相美姒氏也禮母不入廟此及離俱誦文
 母者以其老壽見孫太平特記其盛大傳以
 於穆清廟為古帝歌詞說曰於者歎之也穆
 者敬也清者欲其徧聞之也太廟助祭者多
 故頌其清文王為親祖廟告當立為世室故
 依太廟詞頌之周公攝王宗伯攝后文母在
 事蓋率內外宗立房中不獻尸也於薦時或
 薦豆**濟濟多士秉文之德對越在天**秉文之
 簋耳德之人也箋云對配越於也濟濟之眾士皆
 執行文王之德文王精神已在天矣猶配順
 其素如在生存補**駿奔走在廟不顯不承**
 日越揚也古字通用補**駿奔走在廟不顯不承**
無射於人斯駿長也顯于天矣箋云駿大也諸
 不見厭于人矣

侯與眾士於周公祭文王俱奔走而來在廟中助祭是不光明文王之德與言其光明之也是不承順文王志意與言其承順之也此文王之德人無厭之補曰不讀爲不詞也有周丕顯帝命丕承言文王謀之武王業之神之格不可射無射者無豫度也於乎人斯歎助祭者欲其徧聞之德不令人厭而已非至德也書曰厭于乃德則德宜厭

清廟一章八句

維天之命太平告文王也

告太平者居攝五年之末也文

王受命不卒而崩今天下太平故承其意而告之明六年制禮作樂祭也奉文王以配上帝歌於明堂宜在作禮樂之後

維天之命於穆不已

維韓作惟 孟仲子曰大哉天命之無極而美

周之禮也箋云命猶道也天之道於乎美哉動而不止行而不已

於乎不顯

文王之德之純

純大箋云純亦不已也於乎不光明與文王之施德教之

無倦已美其與天同功也言人可配天以德配也故文王顯

補曰假以溢我

我其收之駿惠我文王

假說文引作誠左傳引何以恤我假嘉

溢慎收聚也箋云溢盈溢之言也以嘉美之道饒衍與我我其聚歛之以制法度大順我

文王之意謂為周禮六官之職也書曰考朕昭子刑乃單文祖德

也收謂狹小也其收言不可收也嘉美以饒

溢後世我其可斂抑之而謙不配天乎大惠

後人者惟
曾孫篤之
成王能厚行之也箋云曾猶重也自孫之子而

我文王
下事先祖皆稱曾孫是言曾孫欲使後王皆厚行之非維今也補曰厚報之以配天也

維天之命一章八句

維清奏象舞也
象舞象用兵時刺伐之舞武王制焉補曰象舞即

大武也時初成而奏之廟未立大武之名記曰下管象舞大武歌曰象舞曰武也又

曰成童舞象則象武通稱

維清緝熙文王之典
典法也箋云緝熙光明也天下之所以無敗亂

之政而清明者乃文王有征伐之法故也文王受命七年五伐也補曰緝績熙廣也廣

其績曰緝熙詩言緝熙多矣有光明之義而非光明也言武王清天下乃緝熙文王之法肇禋肇始禋祀也箋云文王受命始祭天而日奉武王以配迄用有成維周之祺禋一作五人帝始於此迄用有成維周之祺禋一作至祺祥也箋云文王造此征伐之法至今用之而有成功謂伐紂克勝也征伐之法乃周家得天下之吉祥補曰迄止也用象舞也成樂節之名大武七成也止兵用樂以象成功乃周之能用武爲吉祥也兵者凶事惟大武乃吉也

維清一章五句

烈文成王卽政諸侯助祭也

新王卽政必以朝享之禮

祭於祖考山嗣位也補曰書維詰言惟告周公其後王入太室裸故作此美周公

烈文辟公錫茲祉福惠我無疆子孫保之光烈

也文王錫之箋云惠愛也光文百辟卿士及

天下諸侯者天錫之以此祉福也又長愛之

無有期竟子孫得傳世安而居之謂文王武

王以純德受命定天位補曰辟公周公也

分陝之公爲辟公荀子說廣教化美風俗兼

覆而調一之辟公之事也序在冢宰之上是

矣周公能光文王之德攝政定天下錫此成

王福祿施惠無竟安其子孫美其太平之功

無封靡于爾邦維王其崇之念茲戎功繼序

其皇之無白虎通引作毋封大也靡累也崇立也戎大皇美也箋云崇厚也皇

君也無大累於女國謂侯治國無罪惡也王其厚之增其爵土也念此大功勤事不廢謂卿大夫能守其職得繼世在位以其次序其君之者謂有大功王則出而封之補曰靡當為靡依傳箋字本為靡後之傳寫誤耳封靡猶封殖也繼序者成王以後嗣位者也周公不自封殖故無國土王其充之廣以七百里也皇之者同於先代王也云其者述王謙

意無競維人四方其訓之不顯維德百辟其

刑之競疆訓道也箋云無疆乎維得賢人也

所為也不勤明其德乎勤明之也故卿大夫法其所為也補曰言周公輔王魯公就封

之意亦言其者於乎前王不忘乎禮記引作此以後之事

王也箋云於乎先王文王武王其於此道人
稱頌之不忘補曰前王前代二王也魯封
七百里同於二王後以周公德同前王不
可忘也其後感金滕則緇祀故宋而王魯

烈文一章十三句

天作祀先王先公也

先王謂太王以下先公諸盤至不啻

曰先公即先王經師旁注字誤入正文耳謂太王也諸盤以上以親祀不爲之作頌

至成王時祧矣

天作高山大王荒之

作生荒大也天生萬物于高山大王行道能安

天之所作也箋云高山謂岐山也書曰道岍及岐至于荆山天生此高山使興雲雨以利

萬物大王自幽遷焉則能尊大之廣其德澤
居之一年成邑二年成都三年五倍其初

補曰古公遷岐非殷羈縻之地
故曰天作其山也言追王非僭
彼作矣文王

康之 箋云彼彼萬民也彼萬民居岐邦者皆
築作宮室以為常居文王則能安之

補曰彼彼高山也對鎬而言故
日彼康猶廣也廣之而成王業
彼徂者岐有

夷之行 又易也箋云徂往行道也後之往者
又以岐邦之君有佼易之道故也易

日乾以易知坤以簡能易則易知簡則易從
易知則有親易從則有功有親則可久有功

則可大可久則賢人之德可大則賢人之業
以此訂太王文王之道卓爾與天地合其德

補曰行路也大王開通
柞械為後世利以此為功
子孫保之 保之劉

柞械為後世利以此為功

其保之補曰推本所
以有天下為追王之由

天作一章七句

昊天有成命郊祀天地也

補曰郊祀天地謂冬至祭圜

丘夏日至祭方丘也禘祭感生帝亦謂之郊者不於明堂而在圜北也北辰耀魄寶則地之號二代以前蓋列于六宗周文故特立方丘其祈穀用辛之郊祀感生帝魯禮也正郊各用其正月配以稷

昊天有成命二后受之成王不敢康夙夜

二后

文武也箋云昊天天大號也有成命者言周自后稷之生而已有王命也文王武王受其

業施行道德成此王功不敢自安逸早夜

補曰昊天郊天北本于郊故推本昊天也郊

祭天天無質故主曰北祭運行之天實即地

耳又別祭有質之地為方北推感生為禘主

故述成命姜嫄從郊而生稷是天所成之命

也文武為帝受稷而成王業云后者繼體君

也康夙夜其命宥密於緝熙單厥心肆其靖

猶夙夜康其命宥密於緝熙單厥心肆其靖

之其命一作基命其始命信宥寬密靖也

命不敢解倦行寬仁安靜之政以定天下寬

仁所以止苛刻也安靜所以息暴亂也廣當

為光固當為故字之誤也於美乎此成王之

德也既光明矣又能厚其心矣為之不解倦

故於其功終能和安之謂夙夜自勤至於天

下太平補曰宥侑通用字密閱單盡也其

補曰宥侑通用字密閱單盡也其

命周所受命之命天也佑之甚密不易知也
無夫而孕故曰宥密二后乃能緝其熙盡心
事天祖謀以配北為感生人帝嫫見
出而仍祖鬻是為事祖之心盡也

昊天有成命一章七句

我將祀文王於明堂也

補曰明堂郊宮其祀感生及大饗也

我將我高維牛維羊維天其右之

各本作維羊維牛今

改正

將大高獻也箋云將猶奉也我奉養

我高祭之牛羊皆充盛肥腠有天氣之力助

言神饗其德而右助之補曰明堂用特牛

此用太牢蓋始立明堂祭蒼帝以文王配也

主為文王故用宗廟之禮我文王也進文

云其者謙也周以太王為太祖儀式刑文王

則厭文王因別奉文王為太宗靖謀也箋云

之典日靖四方靖治也我儀則式象法行文

王之常道以日施政於天下補日此言所

以祀于明堂之意也明堂五時迎氣之堂故

日日治伊嘏文王既右饗之箋云受福日嘏

四方伊嘏文王既右饗之維受福於文王

文王既右而饗之言受而福之補日伊伊

蒼帝也蒼帝嘏文王故今以文王助蒼帝饗
後之我其夙夜畏天之威于時保之箋云于
福也早夜敬天於是得安文王之道補日時
承保守也觀於明堂而知天之助有德故畏
命承守之

我將一章十句

時邁巡守告祭柴望也

巡守告祭者天子巡行邦國至于方

岳之下而封禪也書曰歲二月東巡守至

于岱宗柴望秩于山川徧于羣神邁行也

補曰書序武王克殷往伐歸狩謂從商

還鎬因省方嶽用天子之禮非常時巡守

時邁其邦昊天其子之實右序有周

邁行箋云武王

既定天下時出行其邦國謂巡守也天其子

愛之右助次序其事謂多生賢知使為之臣

也補曰君天下曰天子初即位故云其也

甫克殷而太平知天之助序之謂應五德之

序也有周新建

有天下之號薄言震之莫不震疊

震韓作振震

動疊懼箋云薄猶甫也甫始也其兵所征伐

甫動之以威則莫不動懼而服者言其威武

又見畏也補曰言我也不服之懷柔百神

國以王自至皆請服也疊讀為懼

及河喬嶽允王維后明昭有周式序在位柔

作濡懷來柔安喬高也高嶽岱宗也明矣

知未然也昭然不疑也箋云允信也王行巡

守其至方岳之下來安羣神望于山川皆以

尊卑祭之信哉武王之宜為君美之也昭見

也王巡守而明見天子有周家也以其有

俊又用次第處位言此者著天其子愛之右

序之效也補曰此巡守之正禮也喬廢也

祭山曰廢嶽華嶽也至河祭華還塗所經信

新王為繼文王之后明昭乎天下皆知周

之當王在位諸侯莫不來朝但用而敘之載

戢干戈載橐弓矢

說文引戢橐也箋云載之言則也

戢聚橐鞬

守而天下咸服兵不復用此又著震疊之效也

我求懿德肆于時夏

夏大也箋云懿美也肆陳也

我武王求有美

德之士而任用之故陳其功於是夏而歌之

樂歌大者稱夏

中國也武王終文王之美德故于是承中國

補曰求終肆故時承也夏

允王保之

箋云允信也信哉

補曰保王之德能長

為王所安也

時邁一章十五句

執競祀武王也

補曰立武王廟為世室以祭武王時周公與燕私故

禮盛其

言一

執競武王無競維烈不顯成康上帝是皇無競

競也烈業也不顯乎其成大功而安之也顯

光也皇美也箋云競疆也能持疆道者維有

武王也不疆乎其克商之功業言其疆也不

顯乎其成安祖考之道言其又顯也天以是

故美之子之福祿補曰上帝感生自彼成

帝世室明堂之輔故推本於上帝

康奄有四方斤斤其明自彼成康用彼成安

明察也箋云四方謂天下也武王用成安祖

考之道故受命伐紂定天下為周明察之君

斤斤如也補曰斤斤察者於鐘鼓喤喤磬

禘祭審其功德其為受命王明

管將將降福穰穰

管一作筦 唶唶 說文引作鏗 唶唶和也

將將集也 穰穰眾也 箋云武王既定天下祭

祖考之廟奏樂而八音克諧神與之福又眾

大謂如嘏詞也 補曰樂具入奏者將燕私

也 降福周公蓋成王受嘏以歸周公穰穰黍

稷之兒搏黍 授之故曰穰 降福簡簡威儀反反既醉既飽

福祿來反 簡簡大也反反難也反復也 箋云

者以重得福祿也 補曰簡簡鼓聲入奏而

鼓成王迎周公也故又降福兩天子在燕寢

故威儀反反既醉既飽燕私後也既醉而出

福祿專在成王反者反政也醉飽言太平也

反當

為販

執競一章十四句

思文后稷配天也

補曰天昊天也以始祖配正月郊祭

思文后稷克配彼天

箋云克能也周公思先祖有文德者后稷之功

能配天

補曰思文猶文思也道德純備曰

思彼彼后稷也后稷肇祀已郊天今乃配也

以人臣而配至尊故曰

立我烝民莫匪爾極

克配言以德不以位

立我烝民莫匪爾極

烝史記引作蒸

極中也箋云立當作粒烝

眾也昔堯遭洪水黎民祖飢后稷播殖百穀

烝民乃粒萬邦作乂

天下之人無不於女時

得中者言反其性

補曰立定也書乃粒本

作乃立非粒也民肉食者暴艸

木食者罷羸故穀食為立中也

詒我來牟帝

命率育

牟韓作麥劉

向引飴我釐麩李善引

率循育養也武王渡

孟津白魚躍入于舟出

涖以燎後五日火流為鳥五至以穀俱來此

謂詒我來牟天命以是循存后稷養天下之

功而廣大其子孫之國

穀武王復有穀瑞帝謂堯也堯

命以立烝民今率之以育民

無此疆爾介

陳常于時夏

介各本一作界今改正

此封境於女今之經界乃大有

天下也用是故陳其久常之功於是夏而歌

之夏之屬有九書說烏以穀俱來云穀記后

稷之德

補曰此疆周有天下之疆也后稷

國君故無此疆介大也后稷雖無此天下今

有之者乃天大爾之功于是陳其常道而承

不必
美夏

思文一章八句

清廟之什十篇十章九十五句 周頌一

臣工之什詒訓傳弟廿七

臣工諸侯助祭遣於廟也

補曰廟成王廟此下皆頌成王

嗟嗟臣工敬爾在公王釐爾成

嗟嗟敕之也工官也公君

也箋云臣謂諸侯也釐理也諸侯來朝天子有不純臣之義於其將歸故於廟中正君臣之禮敕其諸官卿大夫云敬汝在君之事王乃平理女之成功 補曰成王以作雒宅殷

爲盛故述其事臣周臣也工周公作雒諸臣
以攝王謙不命大夫皆謂之工工官也事也
書曰齊百工倂從王周公來咨來茹嗟嗟保
飭其敬事待王理女之成
介箋云咨謀茹度也女有事當來謀之來度
之於王之朝無白專保介車右也月令孟
春天子親載耒耜措之於參保介御之間介
甲也車右勇力之士被甲執兵也補曰來
來雒邑也訪問于善爲咨茹度遷民之田宅
咨問百工之和見事也藉田故敕保介於新
邑開藉田千畝
用京師之制
維暮之春亦又何求如何新
畚田二歲曰新三歲曰畚箋云暮晚也周之
季春於夏爲孟春諸侯朝周之春故晚春
遣之敕其車右以時事女歸當何求於民將
如新田畚田何急其教農趨時也補曰暮

春為麥祈實特言麥者藉田初開先種麥也

初田故有新畬王至雒丞殷民受田一歲矣

故但課二歲於皇來牟將受厥明明昭上帝

三歲之田作於皇來牟將受厥明明昭上帝

迄用康年康樂也箋云將大迄至也於美乎

其光明謂為珍瑞天下所休慶也此瑞乃明

見于天至今用之有樂歲五穀豐熟補曰

承上麥而言之雒唯有明堂故言上帝以藉

田供明堂粢盛也雒邑外即盟津武王得赤

烏五穀之瑞獨言來牟本之后稷也

周有穀瑞故知其至於此竟康年命我眾

人序乃錢罇奄觀銓艾說文引錢罇序具

錢鈹罇榘銓穫也箋

云奄久觀多也教我庶民具女田器終久必

多銓艾勸之也補曰眾人庶殷也非臣非

多銓艾勸之也

民故謂之人亦謂之士言甸師即用殷人錢
剗鑄鉏皆以樗株者以明初開之田艾艾麥
也初田而大獲亦慶詞

臣工一章十五句

噫嘻春夏祈穀于上帝也

祈猶禱也求也月令孟春祈穀

于上帝夏則龍見而雩是與頌成王祈穀之事非歌此以祈穀也

補曰此

噫嘻成王既昭假爾

噫一作意成王成是王事也

箋云噫嘻有所多大之聲也假至也噫嘻乎能成周王之功之成王其德已著至也謂光

被四表格于上下也

補曰祈者叫請也故

噫嘻覺神噫嘻禮作噫歆警覺之聲爾爾成

王也天既昭察升行率時農夫播厥百穀率

精氣使無水旱災韓

作帥箋云又能率是主田之吏農夫使民

耕田而種百穀也補曰農夫田大夫也致

仕公卿為之于周官為鄉老周公曰茲子明

農致政後老于畢而為之率循時承也循承

周公之法立農夫統萬夫之田駿發爾私終

行殷助法定公田播種以代稅駿發爾私終

三十里駿一作浚私民田也言上欲富其

終三十里言各極其望也箋云駿疾也發伐

也使民疾耕發其私田竟三十里者一部一

吏主之周禮曰凡治野田夫間有遂遂上有

徑十夫有溝溝上有畛百夫有洫洫上有涂

千夫有澮澮上有道萬夫有路上有路計

此萬夫之地方三十三里少半里也補曰

補曰

新定田制以徹田受百畝之法賦民以助亦

法公田入稅故頌其田峻所領三十里

服爾耕十千維耦箋云亦大服事也於是民

舉也相廣五寸二相為耦一畝之間萬夫故

言萬耦耕言三十里者舉其成數補曰萬

夫兼治公田私田故曰大服也凡課農先教

噫嘻一章八句

振鷺二王之後來助祭也二王夏殷也其後杞也宋也

補曰頌成王能立微子以備二王後

繼絕之盛典莫隆乎此來者來雒邑

振鷺于飛于彼西雒我客戾止亦有斯容興也

振振羣飛兒鷺白鳥也雖澤也客二王之後
 箋云白鳥集于西雖之澤言所集得其處也
 興者喻杞宋之君有潔白之德來助祭於周
 之廟得禮之宜也其至止亦有此容言威儀
 之善如鷺然補曰大射以鷺羽為獲旌故
 以鷺喻客也西雖西都辟雖選士助祭之地
 彼者据雒彼西也亦有者先已戾在彼無惡
 西今又至雒記曰容體比于禮

在此無斃庶幾夙夜以永終譽
班固引並同 箋云在彼謂居其國無怨惡
之者在此謂其來朝人皆愛敬之無厭之者
永長也譽聲美也 補曰斃
當為射豫也彼謂西此謂雒

振鷺一章八句

豐年秋冬報也

報者謂嘗也。丞也。李黼平說報祭名。周語云。

補曰

高圉大王能帥稷者。周人報焉。凡禘郊祖宗報五者。國之典祀也。於祭法所謂壇墀有禱焉。則祭之者。謂有功德宜禱也。大王周大祖不當云報。報蓋在常祀之外。如社稷也。良相序曰。秋冬報社稷禮於祭。社稷皆連文。月令唯。有祭社。無祭稷。則社稷同日一祀也。蓋以稷配社。至周稷配天而配社。如故。周公主揚先祖。因以高圉配社。大王配稷。又增稷一祀於冬。以大王配。蓋蜡之日祭焉。於郊爲壇。其秋報則於社。春祈仍舊不祈。先祖以不待祈也。紀年說成王七年立高圉廟。事違經典。近不知而妄說。此與下秋冬報社稷異者。彼主社稷。此主高廩。則神倉之祭也。大饗不祈。故但言報。

月令於季秋當周之冬秋冬者秋嘗在冬
非秋冬二祭嘗于明堂其饗嘗之頌與

豐年多黍多稌亦有高廩萬億及秭豐大稌

所以藏齋盛之穗也數萬至萬曰億數億至

億曰秭箋云豐年大有年也亦大也萬億及

秭以言穀數多補曰專言黍稻者為酒為

著水陸田皆熟又主為酒醴尤美者為酒為

醴烝畀祖妣以洽百禮降福孔皆烝韓作蒸

皆劉向引作偕皆偏也箋云烝進畀予也

補曰報祭不以妣配言賴其功以祀宗廟

籍田神倉天子私

田故必言祖妣也

豐年一章七句

有瞽始作樂而合乎祖也

祖一作大祖王者治定制禮

功成作樂合者大合諸樂而奏之補曰祖文王廟蓋奏之於明堂奏象舞已有頌

此更頌者明堂太廟不相襲也

有瞽有瞽在周之庭設業設虞

瞽樂官也業大版也所以

飾柶爲縣也捷業如鋸齒或曰畫之植者爲

虞衡者爲柶箋云瞽矇也以爲樂官者目無

所見於聲音審也周禮上瞽四十人中瞽百

人下瞽百六十人有視瞭者相之補曰瞽

宗殷學也殷掌禮樂教國子之官名瞽因瞽

變舊官名耳樂以鼓爲節故名官曰鼓非必

無目者其後無目者習樂而通則爲之耳云

有瞽有瞽者殷之樂官也必云周庭時作雝

邑新建明堂也宿縣故詳於設業虞周文王

所新作以縣賁鼓者也明堂位曰夏后箕虞

殷崇牙周嬖翳靈臺曰虞業維縱賁鼓維庸

蓋古者唯周有金縣周作鼓縣改箕為業加羽

於牙業虞以縣大崇牙樹羽應田縣鼓鞀磬

鼓羽牙以縣小鼓

柷圍鞀一作鼓田周官注引作鞀崇牙上

也出大鼓也縣鼓周鼓也鞀鞀鼓柷木橙也

圍柷也箋云又設縣鼓田當作鞀鞀小鼓在

大鼓旁應鞀之屬聲轉字誤變而作田補

日大射日建鼓一在阼階西一西階西一階

東阼階則有應鞀西階有朔鞀此殷制楹鼓

諸侯三面之制也天子蓋四大鼓二小鼓小

師所鼓小鼓為應大鼓小鼓為田周官

大師云下管鼓棘注引詩應棘縣鼓是也小

大師云下管鼓

師云下管擊應足明應田之分矣應田二鼓

專為下管起樂製之故此篇專言下管之聲

鞀磬眡瞭所享掌祝敵者未聞鞀磬祝圍堂

上下主樂之器祝今以拍版代之圍今以懷

鼓代既備乃奏簫管備舉箋云既備者縣也

之奏謂樂作也簫編小竹管如今賣錫者所吹

也管如笛併而吹之補曰既備樂成也乃

奏大合之也周樂曰象籥南籥蓋以簫

管為主簫管以舞故在備奏之後也嗶嗶

厥聲肅雍和鳴先祖是聽補曰先祖成王之

之容王后亞我客戾止永觀厥成箋云我客

獻故頌和鳴補曰二公皆宜助祭此歌我客者

也長多其成功謂深感於和樂遂入善道終

無愆過補曰二公皆宜助祭此歌我客者

詩十七

周公還政王賓殺煙咸假王入大室虞傳曰
尚攷大室之儀唐爲虞賓以客戾有合於古
也新廣魯以周公爲
客書曰萬年其永觀

有瞽一章十三句

潛季冬薦魚春薦鮪也

冬魚之性定春鮪
新來薦獻之者謂

於宗廟也
補曰周起西戎
故重魚盛其禮而特爲製頌

猗與漆沮潛有多魚有鱣有鮪鯨鯢鯢鯉

潛韓

作涿漆沮岐周之二水也潛穆也箋云猗
與歎美之言也鱣大鯉也鮪絡也鯨白鱣也
鯢鮎也補曰漆沮洛水古公之所土大鯉
冬尤美鮪時魚季春始出薦魚者以此爲主

也鱗條字亦作鮒鮒黑者爲鱈白者或謂之
白小鱈黃頰皆所在有之農庶以爲常食不
足薦之品也鱣鯉中腊稟亦常食言與庶民
同其物產非以有鱣鮪而異之也此大王親
民之遺教畜魚亦富民之
一政故頌之以爲後法
以高以祀以介景
福箋云介助
景大也

潛一章八句

雝禘太祖也

禘大祭也大於四時而小於禴大祖謂文王補曰周公

追王大王以爲大祖宗祀文王于明堂又
以文王不爲大祖而宗之也此禘在大王
廟禘於明堂周所獨也唯雝邑方岳乃有
明堂豐之辟雍亦號明堂宗周鄘京無明

堂也明堂歲一祭謂之大饗不在時祭內
廟禘三年喪除始一行又三年一行則謂
之禘故曰不王不禘言除先王喪乃有禘
也初無三禘五禘之常例成王親政娶后
始祭大廟倣朝宮之禮
因謂之禘非常禘也

有來雝雝至止肅肅相維辟公天子穆穆於

薦廣牡相予肆祀

相助廣也箋云雍雍和也肅肅敬也

雍然既至止而肅肅然者乃助王禘祭百辟
與諸侯也天子是時則穆穆然於進大牡之
牲百辟諸侯又助我陳祭祀之饌言得天下
之歡心補日來者來婦謂新后雝肅婦容
也辟公周公天子成王也廣牡特牛肆鬻也
周禮以肆獻裸饗先王郊特牲論祭有腥肆

燭臚之次大饗腥用全體肆則解而陳之大饗用太牢此用特牛見廟依告禮用特也俎而曰薦者禮主於后也周公初還政太子初立太姒猶依夫初沒禘祭爲主婦之禮亦以率新婦執事周之假哉皇考綏予孝子假嘉盛禮莫隆於此

假哉皇考綏予孝子

假嘉也箋

云嘉哉君考斥文王也文王之德乃安我孝子謂受命定其基業也補曰祭法以曾祖

廟爲皇考廟皇考太王周之太祖周公曾祖也孝子對文王之稱言太王德大故文王能

安祐周公成

太平之業

宣哲維人文武維后燕及皇天

克昌厥後燕安也箋云宣徧也又徧使天下之人有才知以文德武功爲之君

故文王之德安及皇天謂降瑞應無變異也

又能昌大其子孫補曰宣猶布也哲哲命

也天有哲命不能自宣維人能宣之言文王
可配天也后繼體君也文王文武之德宜爲
太祖維以爲后之故厭於太王當別祀於明
堂也配天故可安天太王名孫曰昌今果克
昌也此時未定諱禮引之以證受命之符
綏我眉壽介以緜祉既
右烈考亦右文母烈考武王也文母太姒也
箋云緜多也安助之以壽
考與多福祿烈光也子孫所以得壽考與多
福者乃以見右助於光明之考與文德之母
歸美焉補曰右烈考者武王配五人帝也
右文母者成王新昏文母猶在祀於太廟以
成盛禮周之瑞也王之福也故曰緜祉魯
信禘於太廟用致夫人放此禮而失之者

雝一章十六句

載見諸侯始見乎武王廟也

補曰諸侯朝王受幣于禰

載見辟王曰求厥章

載始也箋云諸侯始見君王謂成王也曰求其

章求車服禮儀之文章制度也

補曰辟王

攝王周公也攝王受朝故求其典章此攝政

元年事今

追述之

龍旂陽陽和鈴央央條革有鎡休

有烈光

鎡一作鶴說文引作瑤言有文章也和在軾前鈴在旂上

龍旂陽陽

革有鎡言有法度也箋云交龍為旂

條革轡

首也鎡金飾兒休者休然盛壯

補曰此所

求之章也諸侯來朝而王迎之門

蓋始於此

見旂聞鈴迎之節也肇革龍勒

肇也革路四

衛之路車凡大朝會舉衛服以

率見昭考以

該九服康王誥曰一二臣衛

孝以高以介眉壽永言保之思皇多祜

昭考武王

也高獻也箋云言我皇君也諸侯既以朝禮

見於成王至祭時伯又率之見於武王廟使

助祭也以致孝子之事以獻祭祀之禮以助

壽考之福長我安行此道思成王之多福

補曰率之者攝王不可直受朝

故就昭考而見焉蓋布几筵

烈文辟公綏

以多福俾緝熙于純嘏

箋云俾使純大也祭

光文百辟與諸侯安之以多福使光明於大

嘏之意天子受福曰大嘏詞有福祚之言

補曰辟公即辟王

也願其還政受福

載見一章十四句

有客微子來見祖廟也

成王既黜殷命殺武庚命微子代殷

後既受命來朝而見也

補曰振鷺已頌微子此專頌黜殷存宋之盛典

有客有客亦白其馬

殷尚白也亦亦周也箋云有客有客重言之者

異之也亦亦武庚也武庚爲二王後乘殷之

馬乃叛而誅不肖之甚也今微子代之亦乘

殷之馬獨賢而見尊

異故言亦駁而美之

有萋有且敦琢其旅

且且盡心力於

敬慎兒箋云其來威儀萋萋且且盡心力於

其事又選擇眾臣卿大夫之賢者與之朝王

言敦琢者賢美之故以玉言之

補曰萋萋臣盡力也且藉也重復以禮自薦也旅眾介

諸擯也舉旅下

有客宿宿有客信信言授之

繫以繫其馬

一宿曰宿再宿曰信欲繫其馬而留之箋云繫絆也周之君臣

皆愛微子其所館宿可以去矣而言絆其馬

意各殷勤補曰宿宿再宿信信四宿也朝

聘禮成旬而稍致其留以信為節信申也展

其期也崧高云信邁九罭云信處是矣之客

也既留過信又復薄言追之左右綏之既有

授繫待客之殊禮

淫威降福孔夷

淫大威則夷易也箋云追送也於微子去王始言餞送之

左右之臣又欲從而安樂之厚之無已既有

大則謂用殷正朔行其禮樂如天子也神與

之福又甚易也言動作而有度補曰薄詞

也言我也我王也追之蓋亦客禮之優者左

右公卿大夫綏之者又燕餞之微

子謙不敢當受繫王於是送之去

有客一章十二句

武奏大武也

大武周公作樂所爲舞也

於皇武王無競維烈

烈業也箋云皇君也於乎君哉武王也無疆乎

其克商之功業言其疆也

允文文王克開厥後嗣武受之

勝殷遏劉耆定爾功

武迹劉殺耆致也箋云遏止耆老也信有文德

哉文王也能開其子孫之基緒嗣子武王受文王之業舉兵伐殷而勝之以止天下之暴虐而殺人者年老乃定女之此功言不汲汲於誅紂須暇五年

武一章七句

臣工之什十篇十章百六句

周頌二

閔子小子之什詁訓傳第廿八

閔子小子嗣王朝於廟也

嗣王者謂成王也除武王之喪

將始即政朝於廟也

補曰廟太王廟朝廟返周公始命居攝也此下四篇當為成

王廟之頌詩不稱謚者本述其自抑損委任周公之意

閔子小子遭家不造嬛嬛在宀

韓作惻惻余在疾說文引

嬛作莞匡衡同閔蔡邕引作愍

閔病造為疾病也箋云閔悼傷之言也造猶成也可悼

傷乎我小子耳遭武王崩家道未成嬛然孤特在憂病之中

補曰羣叔流言周公居

東故王孤病於乎皇考永世克孝箋云於乎我君考武王長世能

孝謂能以孝行為子孫法度使長見行也補曰皇考廟武王時太王廟也以親廟為太

祖廟言天子以永世念茲皇祖陟降庭止維

為孝義不顧羣叔念茲皇祖陟降庭止維

予小子夙夜敬止茲庭匡衡引作我廷庭

下也念此君祖文王上以直道事天下以直道治民信無私枉夙早敬慎也我小子早夜

慎行祖考之道言不敢懈倦補曰皇祖成

王謂文王也陟周公攝王降管蔡為戮乃文王之直道成王敬於乎皇王繼序思不忘序

行之以此為念祖也箋云於乎君王歎文王武王也我繼其緒

寺十九

三

繼先緒敬其陟降功德至今見思不可忘宜爲宗也

閔子小子一章十一句

訪落嗣王謀於廟也

謀者謀政事也 補曰謀退位委政周公

訪予落止率時昭考於乎悠哉

訪謀落始時是率循悠遠

也箋云昭明也成王始卽政自以承聖父之

業懼不能遵其道德故於廟中與羣臣謀我

始卽政之事羣臣曰當循是明德之

考所施行故荅之以謙曰於乎遠哉

朕未有

艾將子就之

箋云艾數也我於是未有數言遠不可及也女扶將我就其典

法而行之

補曰艾厯也王年幼繼猶判渙

厯事少賴周公將率王以成其政

維子小子未堪家多難

猶道判分渙散也箋云猶圖也繼續其業

圖我所失分散者收斂之多眾也我小子耳

未任統理國家眾難成之事必有任賢待年

長大之志難成之事謂諸政業有未平者

補曰繼謀謂繼訪落而謀之也判渙畔援跋

扈也謂三監四國作亂家

多難所謂難大在王宮

家

箋云紹繼也厥家謂羣臣也繼文王陟降

庭止之道上下羣臣之職以次序者

曰上下天人也家羣叔也陟

周公於王位降二叔爲叛人

明其身箋云美矣我君考武王能以此道尊

曰皇考大王也周公美太祖之

道以安勉成王之身謂盛養之

訪落一章十二句

敬之羣臣進戒嗣王也

一本無之字 補曰此抗世子法于

宮中之詞美成王明學術

敬之敬之天維顯思命不易哉

顯見箋云顯光羣臣見王

謀卽政之事故因時戒之曰敬之哉敬之哉

天乃光明去惡與善其命吉凶不變易也

補曰顯代也天維使周公攝

代王位嗣王之命仍不改易無曰高高在上

陟降厥士日監在茲

無班固匡衡引作毋也箋云監視也無

謂天高又高在上遠人而不畏也上下其事謂轉運日月施其所行日月瞻視近在此也

補曰王既退位貴而無位高而無民徒高

在上也陟周公降管蔡者其專唯欲王監察

此不可自暇逸維予小子不聰敬止曰就月

此謂朝廷政事將小子嗣王也將行也箋云羣臣戒成王以

將敬之敬之故承之以謙云我小子耳不聰

達於敬之意曰就月行言當習之以積漸

也補曰不聰言當聰也聰察聽也就成將

養也日月成養學有緝熙于光明佛時仔肩

仍為世子就學學有緝熙于光明佛時仔肩

示我顯德行廣也佛大也仔肩克也箋云緝

熙光明也佛輔也時是也仔肩任也且欲學

於有光明之光明者謂賢中之賢也輔佛是

任示道我以顯明之德行是時自知未能成

文武之功周公始有居攝之志補曰光明

者周公也書曰惟公德明光于上下時承也
周公大承王業克堪其任示成王以明德美
王虛心受學

敬之一章十二句

小毖嗣王求助也

毖慎也天下之事當慎其小小時而不慎後爲

禍大故成王求忠臣早輔助己爲政以救患難補曰成王抗世子法故題篇加小

予其懲而毖後患莫予荇峯自求辛螫

作蜂

螫韓作赦也始者管叔及其羣弟流言於國成王信之而疑周公也至後三監叛而作亂周公以王命舉兵誅之歷年乃已故今周公歸政成王

受之而求賢臣以自輔助也曰我其創艾於
往時矣畏慎後復有禍難羣臣小人無敢我
擊曳謂爲謫詐欺不可信也女於是徒自
求辛苦毒螫之害耳謂將有刑誅
懲流言也慙閉也成王爲世子禁
劭左右無生嫌隙使攝王不安
肇允彼桃

蟲拚飛維鳥

拚韓作翻 桃蟲鷦也鳥之始

者信以彼管蔡之屬雖有流言之罪如鷦鳥
之小不登誅之後反叛而作亂猶鷦鳥之翻飛
爲大鳥也鷦鳥之所爲鳥題肩也或曰鷦者惡
聲之鳥補曰桃蟲郭璞以爲巧婦今麻雀
依人簷宇者鳥則不馴者故以喻宗親生心
外向也管蔡監商本衛王室乃反興兵反周
是戶雀爲野鳥也詩但言維鳥不言爲鳥更
不言其所爲之鳥不必言其爲大鳥及何鳥

也又無桃蟲為題肩雖未堪家多難予又集于蓼堪
子我也我又集于蓼言辛苦也箋云集會也
未任統理我國家眾難成之事謂使周公居
攝時也我又會于辛苦遇三監及淮夷之難
補曰又又流言時也許慎說蓼辛菜食蓼
者以辛為甘喻受者以辛為甘喻受
讒者不覺其毒害

小毖一章八句

載芟春藉田而祈社稷也

藉田甸師氏所
掌王載耒耜所

耕之田天子千畝諸侯百畝藉之
言借也借民力治之故謂之藉田

載芟載柞其耕澤澤千耦其芸

芸一作耘澤
爾疋作郝

除艸曰芟除木曰柞箋云載始也成王之時
萬民樂治田業將耕先始芟柞其草木土氣
蒸達而和耕之澤澤然解散於是芸除其根
株輩作者千耦言趨時也補曰天子藉田
不宜更有艸木可除芟謂刈也刈穫之後則
以棘薪柞鄂其田使土恆墳和故耕之澤澤
然易釋壤也周禮曰獮之日卜芟千耦千夫
十倍藉田之數謂農田也不卅里不主鄉制

徂隰徂畛侯主侯伯侯亞侯旅侯疆侯以

也主家長也伯長子也亞仲叔也旅子弟也
疆強力也以用也箋云隰謂新發田也畛謂
舊田有徑路者疆有餘力者周禮曰以疆子
任民以謂閒民今時傭賃也春秋之義能東
西之曰以或往之隰或往之畛父子餘夫俱
行疆有餘力者相助又取傭賃務疾畢已當

種也補曰徂之者天子也天子親耕於農

田芸時復親往飡則田官皆至祈穀不在芸

時先言芸者課農以芸為急隰水田陸田

主伯亞旅田官之制也古受田之制成丁者

百畝無父子共行之家也大夫稱主五官之

長曰伯謂鄉老鄉大夫也亞旅其佐也田官

備設以督課農維有噍其飡思媚其婦有依

以疆予之政用之有噍其飡思媚其婦有依

其士說文引噍噍眾兒士子弟也箋云飡

人於田野乃逆而媚愛之言勸其事勞不自

苦補曰飡賜藉田農人婦子酒食也其斥

農人也凡藉田必言婦以有同婦子之典也

思媚者宜家之詞思齊曰思媚周姜士髦士

也依者所謂介止凡明農立學於塾藉田農

子弟蓋於甸師所居立塾焉何人蒞之則未

聞有略其相俶載南畝播厥百穀實函斯活

略利也箋云俶載當作熾菑播猶種也實種

子也函含也活生也農夫既芸除草木根株

乃更以利相熾菑之而後種其種皆成好含

生氣補曰略當爲畧籀文剝字刀劔刃也

其相甸徒三百人之相所謂庶人終畝者言

藉田有饁則同其婦有依則選其士耕之則

略其相兼言甸徒家政修舉非但勤力南畝

南郊藉田千畝斯盡也函當爲弓覃也艸木

華未發弓然斯活言溝驛驛其達有厭其傑

洫通水利水活活流也驛驛其達有厭其傑

厭厭其苗緜緜其廩驛韓作繹爾雅同緜韓

傑言傑苗厭然特美也庶耘也箋云達出地

也傑先長者厭厭其苗眾齊等也補曰緜

縣亶亶勉也縣亶聲轉耳驛驛然自達者稷

麥類也又有當厭之者分秧種之以指擬其

長傑者令根固植稻叔載穫濟濟有實其積

類也百穀有此二種法萬億及秭有實實成也其積之乃萬億及秭

言得為酒為醴烝畀祖妣以洽百禮箋云烝

多也洽合也進子祖妣謂祭先祖妣也以洽有

百禮謂饗燕之屬補曰言不為私祈也箋

餽其香邦家之光說文引餽餽芬香也箋

則多得其歡心於國家有榮譽補曰藉田

之穀以供齋食食助祭者故香能光邦家

有叔其馨胡考之靈叔沈重讀為倨諸家並

壽也考成也箋云寧安也以芬香之酒醴祭
於祖妣則多得其禋信補曰叔讀爲條暢
也藉田之稻以爲酒養老
故寧胡考寧者酒食之詞
匪且有且匪今斯
今振古如茲且此也振自也箋云匪非也振亦古也饗燕祭祀心非云且而有且謂將有嘉慶禎祥先來見也心非云今而有此今謂嘉慶之事不聞向至也言修德行禮莫不獲報乃古古而如此所由來者久非適今時補曰且藉也今當爲躬古者今躬通用殷庚女悔身石經作女悔今匪藉又藉言藉田王自耕非藉民賦而又藉民力也匪躬斯躬言王不躬耕而此藉田則躬耕也振當爲祗祗詞也自古后稷親田事故藉田以事

祖妣

載芟一章卅一句

良相秋冬報社稷也

冬正義本依定本無此從釋文

粳粳良相俶載南畝播厥百穀實函斯活

說文

作粳

粳粳猶測測也箋云良善也農人測

測以利善之相熾蓄是南畝也種此百穀其

種皆成好含生氣言得其時補曰此天子

自置之王社故主言南郊藉田必言函活者

明畦畝溝洫同制播

或來瞻女載筐及筥其

種放水稼事乃成

饗伊黍其笠伊糾其縛斯趙以蔣荼蓼

趙考工注

引作擗以蔣說文引作旣秣

笠所以禦暑

雨也趙刺也蓼水艸也箋云瞻視也有來視

女謂婦子來飴者也。筐筥所以盛黍也。豐年之時雖賤者猶食黍。飴者見戴糾然之笠以田器刺地。薊去茶蓼之事。言閔其勤苦。補曰或來者省耕者也。言或者官不敢主藉田。王或時遣人來耳。女農人也。筐筥勞賜農人之酒食。先時已載之。至種黍時又有飴也。兼有筐筥者蓋西都用筐。東都用筥。伊黍種黍者也。黍大暑而種。穀既播又種黍。備荒也。趙當爲銚。今字爲鍬。用以掘土去草根者。鍬迫也。迫地刈草者其鍬者斯。鍬者皆戴笠。藉茶蓼藉田有茶蓼者亦備三易以茶蓼。朽止驗農功也。夏暑燒薊故戴笠而薊。

黍稷茂止穫之。揜揜積之。粟粟其崇如墉。其

比如櫛以開百室。

說文引揜兩引積之秩秩揜揜聲也。粟粟眾多。

也墉城也箋云百室一族也艸蕨既除而禾稼茂禾稼茂而穀成熟穀成熟而積聚多如墉也如櫛也以言積之高大且相比迫也其已治之則百家開戶納之千耦其芸輩作尚眾也一族同時納穀親親也百室者出必共洫問而耕入必共族中而居又有祭醮合釀之歡補曰甸師徒百室盈止婦子寧止殺

三百人故言百室黃牛時犗牡有捄其角以似以續續古之人黑脣

曰犗社稷之牛角尺以似以續嗣前歲續往事也箋云捄角兒五穀畢入婦子則安無行饁之事於是殺牲報祭社稷嗣前歲者復求有豐年也續往事者復以養人也續古之人求有良司嗇也補曰寧婦子者賜甸徒家牲酒也饁賜食寧賜酒春曰饁秋亦曰饁以

用酒改言盞也殺犗者社稷之牛角尺故用
七尺犗也有又也抹拘也已殺社牛又拘稷
牛之角以將郊祀后稷也新以高圉太王配
報祭故曰嗣續自子孫言先祖之嗣也古之
人古之以人配社稷者謂句龍也
柱也續之者棄也高圉也太王也

良一章廿三句

絲衣釋賓尸也

釋又祭也天子諸侯曰繹以祭之明日卿大夫曰賓

尸與祭同日周曰繹商謂之融

高子曰靈星之尸也

補曰

繹于庫門外賓尸于廟門外天子疏屏蓋廟門外牆如櫺故曰靈星門高子以當時無繹唯有賓尸靈星因舉以曉學者

絲衣其紕載弁俵俵

絲說文引作素載弁作絲衣祭服也紕

繫鮮皃俵俵恭順皃箋云載猶戴也弁爵弁

也爵弁而祭于王士服也釋禮輕使七升門

堂視壺濯及豆籩之屬補曰凡釋用朝服

天子朝服皆皮弁素衣必言弁者明為釋祭

白堂祖基白羊俎牛鼐鼎及鼐

文引鼐俗作

鐵史記引作哉

基門塾之基白羊俎牛言

先小後大也大鼎謂之鼐小鼎謂之鼐箋云

降往於基告濯具又視牲從羊之牛反告充

已乃舉鼎幕告絜禮之次也鼎園弁上謂之

鼐補曰正祭坐尸於堂釋在門外故俎基

也釋設尸俎唯載牛體以羊豕魚加於牛俎

故俎牛也言羊以該豕魚鼐牛鼎

鼎羊豕魚腊八鼎鐵則陪鼎也

兕觥其斛

旨酒思柔不娛不敖胡考之休

斛一作觥娛唐定本作吳

何承天作吳敖一作傲史記引作虞驚娛

譁也考成也箋云柔安也釋之旅士用兕觥

變於祭也飲美酒者皆思自安不謹譁不敖

慢也此得壽考之休徵補曰兕觥學宮養

老之禮凡養老皆設焉此族燕也觥觶一聲

之轉用木用兕異耳自大以下謂之觥君

爵謂之觥禮所謂象觥膳解者其實酒養老

則實醴所容加至一斗故又謂之大斗旨酒

醴也不娛不敖投壺禮也蓋養老則不射而

投壺胡遐也休息也祭之明日而燕燕之意

主於休息禮記曰

明日乃息司正

絲衣一章九句

酌告成大武也

酌一作汭 周公居攝六年制禮作樂歸政成王乃

後祭於廟而奏之其始成告之而已

言能酌先祖之道以

養天下也

於鑠王師遵養時晦時純熙矣是用大介

美鑠

遵率養取晦昧也箋云純大熙興介助也於美乎文王之用師率殷之叛國以事紂養是闇昧之君以老其惡是周道大興而天下歸往矣故有致死之士助之補曰王武王也

我龍受之躑躅

王之造

龍和也躑躅武兒造為也箋云龍寵也來助我者我寵而受用之躑躅之

士皆爭來造王補曰龍讀如農用入政之
農和受之者戒以桓桓無深入追奔凡超騰
之士被王教載用有嗣實維爾公公事也箋
如新造成也之有嗣傳相致補曰用允師箋云允信也
武而可嗣文實武王之功允師王之事所以
舉兵克勝者實維女之事信得
用師之道補曰信可為王師

酌一章九句

桓講武類禡也

類也禡也皆師祭也

桓武志也

或本

以此句為注

綏萬邦婁豐年

婁一作屢

箋云綏安也婁

豐熟之年陰陽和也天命匪解桓桓武王保有厥土士
 也箋云天命為善不解倦者以為天子我桓
 桓有威武之武王則能安有天下之事此言
 其當天意也補曰武能于以四方克定厥
 安萬邦故講武以保其事于以四方克定厥
 家於昭于天皇以間之間代也箋云於是用
 家先王之業遂有天下于曰也皇君也於明
 乎曰天也紂為天下之君但由為惡天以武
 王代之補曰言家者以武為志自周始也
 武之功昭于天如文王之昭天故美其以武
 代文而作樂象之出征歌之講武習之
 此篇首言婁豐年不得未始言伐紂也

桓一章九句

賚大封於廟也

大封武王伐紂時封諸臣有功者

賚子

也言所以錫予善人也

補曰周滅國多因大封功臣亦勅制

文王既勤止我應受之敷時繹思我祖維求

定

勤勞應當繹陳也箋云敷猶徧也文王既勞心於政事以有天下之業我當而受之

敷是文王之勞心能陳繹而行之今我往以此求定謂安天下也

補曰繹繼求終也文王既勤勞諸臣以成王業我武王當此受命

爲天子有封國之權故敷普封是功臣子孫繼世自今以往

時周之命於繹思者是周之終助王定天下

所以受天命而王之所由也於女諸臣受封者陳繹而思行之以文王之功業勸之

補曰時承也此諸國承周
新命於美乎使子孫繼世

賚一章六句

般巡守而祀四嶽河海也

般樂也

補曰般當

為班班般古字同也巡游班政
因以為凡游樂之稱詩無樂意

於皇時周陟其高山

時白虎通引作明高
山四嶽也箋云皇君也

於乎美哉君是周邦而巡守其所至則登其
高山而祭之

補曰陟高山者因名山升中

于天也太平乃封

墮山喬嶽允猶翕河

墮一作墮

墮則此成王巡守
猶圖也望秩于山川小山及高嶽皆信按山

北敷爲九祭者合爲一補曰隨當爲禱古

文柴字謂煙燎祭天于山也喬讀爲橋賤也

祭山曰廢縣徐樹銘說成王封太山禪社首

祭山無取言墮墮小也翕河九河合爲一也

武丁時河水大均至成王而合河不兩行合

乃無患故以應敷天之下褻時之對時周之

符瑞而信圖之敷天之下褻時之對時周之

命三家並有於繹思句在篇末褻今作褻

川之神皆如是配而祭之是周之所以受天

命而王也補曰敷溥也普夫天下諸侯皆聚

方嶽下是見天子承周王之政令無不服也

古字褻褻揅抱同用褻卽揅也引進之意

般一章七句

詩十九
閔予小子之什十一篇十一章百四十七
句
周頌三

頌一

弟子桂陽陳兆奎棊校

詩十九

駟之什毛詩詁訓傳第廿九

頌二

詩廿

鄭氏箋

王氏補箋

駟頌僖公也

補曰魯於康王時始定祖廟世室之制文王為出祖不立

主祀於周公之太廟唯禘祭則行事以魯

公為世室亦如太祖百世不遷大禘嘗則

有事太廟其禮樂如天子歌詩仍用周頌

郊思文禘歌雍不別為周公頌如宋不為

微子頌此王後之通禮也然既為客得自

作頌故推僖公功德而詩之此時始立武

宮僖為親廟以其功亦

不祧為後立僖宮張本

之法儉以足用寬以愛民務農重穀牧于

言二一
垆野魯人尊之於是季孫行父請命于周

而史克作是頌

季孫行父季文子也史克魯史也補曰除僖公之

喪將禘于太廟而躋之故特作頌也必請命者謙不爲客

駟駟牧馬在垆之野

牧一作牡垆說文引作駟釋文云說文駟駟作

駟駟字又作驍

駟駟良馬腹幹肥張也垆

遠野也邑外曰郊郊外曰野野外曰林林外

曰垆箋云必牧於垆野者避民居與良田也

周禮曰以官田牛田賞田牧田任遠郊之地

者以征伐有武功

補曰主言牧馬薄言駟者有驍有皇有驪

者以征伐有武功

薄言駟者有驍有皇有驪

有黃以車彭彭

說文引驍然驪馬白跨曰驍黃白曰

皇純黑曰驪黃駢曰黃諸侯六閑馬四種有
良馬有戎馬有田馬有駑馬彭彭有力有容
也箋云坰之牧地水艸既美牧人又良飲食
得其時則自肥健耳補曰此主言朝祀之
馬駕玉金象路者夏后氏駟馬黑鬣殷人白
馬黑首周人黃馬蕃鬣魯兼用之駟驪黑先
代所尚黃皇皆黃類周所尚思無疆思馬斯
也必兼三代者周公無改色思禽之法反覆
臧箋云臧善也僖公之思遵伯禽之法反覆
及廣博補思之無有竟已乃至思馬斯善多其所
曰斯盡也

駟駟牧馬在坰之野薄言駟者有騅有駟有

駢有騏以車伍伍說文引伍騅黃白襍毛曰駟赤黃曰

駟蒼棊曰騏 伾伾有力也 補曰此章
主言戎馬 騅 駟 先代色 駢 周色也 思無

期思馬斯才 材多

駟駟牧馬在坳之野 薄言駟者有驛有駱有

駟有雒 雒一作駱 青驪 駢曰驛 黑身白鬣曰雒

補曰雒當為鶴 郭璞說 鶴忌 鷓為烏 鷓烏

駟周以車釋釋 釋一作驛 釋釋善走也 思

無斃思馬斯作 作始也 箋云 斃 厭也 思 遵伯

使可乘 駕也

有駉有駉彼乘黃

說文引駉 駉馬肥疆 則能升高致

遠臣疆力則能安國箋云此喻僖公之用臣

必先致其祿食祿食足而臣莫不盡其忠

補曰乘黃上公所乘魯侯車也乘之以

出郊射耳養馬不可喻賢臣傳義非也

夙夜

在公在公明明箋云夙早也言時臣憂念君

於公之所但明義明德也禮記曰大學之道

在明明德 補曰公學宮也明明察也言視

校學考

振振鷺鷺于下鼓淵淵醉言舞于胥樂

兮淵一作咽 振振羣飛兒鷺白鳥也以興

潔白之士淵淵鼓節也箋云于於胥皆也

僖公之時君臣無事則相與明義明德而已

潔白之士羣集於君之朝君以禮樂與之飲

酒以鼓節之淵淵然至於無算爵則又舞燕
樂以盡其歡君臣於是則皆喜樂也補曰

鷺羽郊射獲旌也射以鼓爲節故主
言鼓醉者射畢而燕命曰眾無不醉

有駉有駉彼乘牡補曰乘牡大夫所乘夙夜在公在

公飲酒言臣有餘敬而君有餘惠夙夜在公在

振振鷺鷺于飛鼓淵淵醉言歸于胥樂兮箋云

飛喻羣臣飲酒醉欲退也補曰飛者

自官府來入學之象歸者各還其所居

有駉有駉彼乘駟說文引駟青驪曰駟

官所乘夙夜在公在公載燕箋云載之言則也

為大夫始與燕也士之禮燕不與自今以始歲其有一作歲其有矣

唐石經作歲其有年歲其有豐年也補

曰歲三歲之期也記曰天子之制諸侯歲獻

而貢士書傳說三年而貢士歲其有者祝多

士也有年不得云今始鄒漢助說以僖公致

三早三年乃澍雨君子有穀詒孫子于胥樂

興詩意不相比附君子有穀詒孫子于胥樂

兮一作詒厥孫子又作詒于孫子箋云穀

善詒遺也君臣安樂則陰陽和而有豐年

興善道則可以遺子孫也補曰時大夫多

世故入官者皆君子之孫子所謂君臣有道

有駉三章章九句

泮水頌僖公能脩泮宮也

補曰泮宮貢士之大學

思樂泮水薄采其芹

泮水一作頽泮水泮宮天子辟雍諸侯

泮宮言水則采取其芹宮則采取其化箋云

芹水菜也言已思樂僖公之修泮宮之水復

伯禽之法而往觀之采其芹也辟雍者築土

離水外圓如璧四方來觀者均也泮之言半

也半水者蓋東西門以南通水北

無也天子諸侯宮異制因形然

言觀其旂

戾來止至也言觀其旂言法則其

儀也謂於泮宮饗

燕來朝聘之君

其旂

旂

聲

噦噦無小

無大從公子邁

也噦噦言其聲也箋云于往

邁行也我采水之芹見僖公來至於泮宮我

則觀其旂旂然和鸞之聲噦噦然臣無尊

卑皆從君行而來稱言此者僖公賢君人樂見之補曰小大謂小國大國也往征者將出征受成于學諸國君臣或有會者因以其從公美之

思樂泮水薄采其藻魯侯戾止其馬蹻蹻疆

盛補曰既受其馬蹻蹻其音昭昭箋云僖公之德

音載色載笑匪怒伊教伊劉向引作匪色

至泮宮和顏色而笑語非有所怒於是有所教化也補曰色怒兒笑喜也出征則色然

而怒匪怒也是欲行其文教歸於笑喜

思樂泮水薄采其菲說文引薄作言白虎通引菲作苻劉向引采作

捋

補曰茆萑葵

魯侯戾止在泮飲酒

箋云在泮飲酒者徵

先生君子與之行飲酒之禮而因以謀事也

補曰君不親鄉飲之禮此蓋受成日之饗

禮也既飲旨酒永錫難老

箋云已飲美酒而長賜其難使老難使老

最壽老也長賜之者如王制所云八十月告

存九十月有秩者與補曰難讀為那安也

安老者之長賜謂乞言也然則所謂受成者

饗國老於泮宮聽其謀議咨詢以為軍謀

順彼長道屈此羣醜屈樊光引作渥屈收

屈治醜惡也是時淮夷叛逆既謀之於泮宮

則從彼遠道往伐之治此羣為惡之人補

曰彼彼老者此此魯侯也順國老所謀之

長道以治魯侯所征之羣醜言好謀而成

穆穆魯侯敬明其德敬慎威儀維民之則箋云

則法也僖公之行允文允武昭假烈祖靡有

不孝自求伊祐假至也箋云祐福也僖公信

伐淮夷也其聰明乃至於美祖之德謂遵伯

禽之法也國人無不法效之者皆庶幾力行

自求福祿補曰孝本作季依義當為孝弟

之孝以假祖為孝也自求維福言僖公得神

助明明魯侯克明其德既作泮宮淮夷攸服箋云

克能攸所也言僖公能明其德修泮宮而德

化行於是伐淮夷所以能服也補曰攸長

也言不用兵而邊竟無事
矯矯虎臣在泮獻馘淑問如臯

陶在泮獻囚

矯一作矯武兒馘所格者之左耳淑善也

囚所虜獲者僖公既伐淮夷而反在泮宮使

武臣獻馘又使善聽獄之吏如臯陶者讞囚

言伐有功所任得其人補曰禮出征執有

罪反舍奠于學以訊馘告獻馘論首虜之功

也古者軍獲不以入國泮宮在郊外有囚因

合居焉示以禮也獻囚當為灋囚灋議臯也

魯為方伯受羣小國

之訟故就泮聽之

濟濟多士克廣德心桓桓于征狄彼東南

狄韓

作鬻

桓桓威武兒箋云多士謂虎臣及如

臯陶之屬征征伐也狄當作剔剔治也東南

斤淮夷補曰狄夷狄之也 東淮夷南楚以狄之者絕之 烝烝皇皇不娛

不揚不告于訥在泮獻功娛唐定本作吳漢碑引作虞揚一作

瘍漢碑作陽 烝烝厚也皇皇美也揚傷也

箋云烝烝猶進進也皇皇當作陞陞猶往往

也娛譁也訥訟也言多士之於伐淮夷皆勸

之有進進往往之心不謹譁不大聲僖公還

在泮宮又無以爭訟之事告於治訟之官者

皆自獻其功 補曰告謂鄰國之使及疆吏

角弓其觶束矢其搜戎車孔博徒御無斃既

克淮夷孔淑不逆斃一作釋射說文引搜觶弛兒五十矢為束搜

眾意也箋云角弓觶然言持弣急也束矢搜然言勁疾也博當作傳甚傳繳者言安利也

徒行者御車者皆敬其事又無厭倦也僖公
以此兵眾伐淮夷而勝之其士卒甚順軍法
而善無有爲逆者謂堙井刊木之類補曰
鯀當爲練博讀爲薄薄比附也僖公無征淮
之事十六年與齊侯等會淮左傳說齊人止
公此云旣克謂克楚也作詩時魯屬於楚故
諱以爲淮夷逆式固爾猶淮夷卒獲
逆命不從魯者式固爾猶淮夷卒獲
也用堅固安軍謀之故故淮夷盡可獲服也
謀爲度己之德慮彼之罪以出兵也補曰
猶道卒終獲得也僖公固守善道
終得淮夷之心言伐楚兵不再用

翩彼飛鴉集于泮林食我桑甚懷我好音飛翩

兒鴉惡聲之鳥也甚桑實也箋云懷歸也言
鴉恆惡鳴今來止于泮水之木上食其桑甚

為此之故故改其鳴歸就我以善音喻人感
 於恩則化也補曰鴉雌鴉鴉子規也以
 翩飛喻疆國叛以集喻來朝聘也
 其改音與否未聞以鴉為鵠則非
憬彼淮夷
來獻其琛元龜象齒大賂南金
憬韓作獷說文引憬又引
作穢 憬遠行兒琛寶也元龜尺二寸賂遺
也南謂荆揚也箋云大猶廣也廣賂者賂君
及卿大夫也荆揚之州貢金三品補曰許
慎說憬覺寤也賂道路所用財今外夷謂之
兵費敗者與勝者元龜出江
匯象齒出南越皆楚土物

泮水八章章八句

闕宮頌僖公能復周公之宇也

宇居也

闕宮有恤實實枚枚

說文引恤闕閉也先妣姜嫄之廟在周常閉

而無事孟仲子曰是祿宮也恤清淨也實實

廣大也枚枚礮密也箋云闕神也姜嫄神所

依故廟曰神宮補曰宮垣也郊壇圍之故

但有宮實實枚枚壇地兒記曰掃地而祭壇

必礮緻也記曰魯人將有事于上帝必先有

事于郊宮將郊祀稷而頌其母非姜嫄有廟

也周所以必立先妣廟者本非礮子嫌於禘

礮故必祀礮妃魯禘文王可不祀出帝之母

無姜嫄

宮也赫赫姜嫄其德不回上帝是依無菑

無害彌月不遲

上帝是依依其子孫也箋云

依馮依其身也彌終也赫赫

乎顯著姜嫄也其德貞正不回邪天用是馮

依而降精氣其妊之又無菑害不圻不副終

人道十月而生子不遲晚補曰魯僖祀太

廟以致夫人故頌姜嫄生子之祥嫄本以妊

見出而生稷云不回不遲者仍繫之於譽也

菑讀為割或為災非也害讀為割言生卵無

割割之者是生后稷降之百福黍稷種種

記神異也

稷叔麥奄有下國俾民稼穡種稷俾一作重

作未先種曰植後種曰稷箋云奄猶覆也

姜嫄用是而生子后稷天神多與之福以五

穀終覆蓋天下使民知稼穡之道言其不空

生也后稷生而名棄長大堯登用之使居稷

官民賴其功後雖作司馬天下猶以后稷稱

焉補曰奄撫也下國郃也黍稷叔麥有種

稷植稷異種言稷能盡性種稷植稷一也稷

有種稷餘穀異其名曰植稷程瑤田說種種

之中又自
有種穉
有稷有黍有稻有秬奄有下土纘

禹之緒

緒業也箋云秬黑黍也緒事也堯時

以五穀禹平水土乃教民播種之於是天下

大有故云繼禹之事也美之故申說以明之

補曰秬神黍也此言所有不及叔麥者主

祭祀所用也稷爲王官故撫有下土繼禹爲

相上

后稷之孫實維大王居岐之陽實始翦商

齊

也箋云翦斷也大王自豳徙居岐陽四方之

民咸歸往之於時而有王迹故云是始斷商

補曰頌大王者本太祖功德也太王初爲

商諸侯至避狄居岐乃自闢土宇與商隔絕

此追王 之由 至于文武纘大王之緒致天之届于

牧之野無貳無虞上帝臨女敦商之旅克咸

厥功

虞誤也箋云届殛虞度也文王武王繼

紂于商郊牧野其時之民皆樂武王之如是故戒之云無有二心也無復計度也天視護女至則克勝敦治旅眾咸同也武王克殷而治商之臣民使得其所能同其功於先祖也后稷太王文王亦周公之祖考也伐紂周公又與焉故述之以美大魯 補曰無貳虞者戒諸侯無差誤多殺也治商眾者遷頑民也能同文武之功謂周公定太平成王道不頌攝王者因伐管蔡而居攝不以踐阼為美

王曰叔父建爾元子俾侯于魯大啓爾宇爲

周室輔

王成王也元首字居也箋云叔父謂周公也成王告周公曰叔父我立女

首子使爲君於魯謂欲封伯禽也封魯公以

爲周公後故云大開女居以爲我周家之輔

謂封以方七百里欲其疆於眾國補曰二

伯當曰伯父云叔父者本其親也魯不公而

侯亦以乃命魯公俾侯于東錫之山川土田

親之

附庸

箋云東東藩魯國也既告周公以封伯禽之意乃策命伯禽使爲君於東加賜

之以山川土田及附庸令專統之王制曰名

山大川不以封諸侯附庸則不得專臣也

補曰東東伯分陝者土田蓋湯沐之邑庸城

也其餘地以待封其子弟大司馬注說侯附

庸九同伯七同子五男三此三者唯二伯國

乃有之宣王封申亦備土田封名伯錫山土

田皆無周公之孫莊公之子龍旂承祀六轡

附庸也

耳耳春秋匪解高祀不忒周公之孫莊公之子謂僖公也耳耳

然至盛也箋云交龍為旂承祀謂視祭事也

四馬故六轡春秋猶言四時也忒變也補

日郊特牲云魯公郊乘素車旂十有二旂龍

章而設日月承祀謂郊也春禘秋嘗祀大廟

之盛祭皆魯所

獨用故云不差

皇皇后帝皇祖后稷高以駢

犧是饗是宜降福既多駢赤犧純也箋云皇

以周公功大命魯郊祭天亦配之以君祖后

稷其牲用赤牛純色與天子同也天亦饗之

宜之多予之福補曰后帝繼世爲天子者

謂周王也魯與周同祖故不用白牲而用騂

饗之宜也周魯同福故降者多周公皇祖亦其福女秋而載

嘗夏而福衡白牡騂剛諸侯夏禘則不祔秋

之福衡設木牛角以福之也白牡周公牲也

騂剛魯公牲也箋云此皇祖謂伯禽也載始

也秋將嘗祭於夏則養牲福衡其牛角爲其

觸觚人也秋嘗而言始者秋物新成尙之也

補曰明堂位記魯禮夏禘秋嘗冬烝謂三

祭下天子之禮嘗時祭耳不得在太廟此嘗

謂大嘗祭世室也六月已祭太廟九月又祭

世室是日載嘗亦以特牛凡養牲者皆特牛

也剛春秋傳作綱許慎說綱特牛也太廟用

夏六月取歲之中宗用春秋季月昭春穆秋

寺二十一

也其一宗則再祭之三宗以上各以其昭穆同廟異室故不曰廟而曰室也宗不過二親不過四與太犧尊將將毛魚鼈羹籩豆大房廟共不過七

萬舞洋洋孝孫有慶犧尊有沙飾也毛魚豚也

也大房半體之俎也洋洋眾多也箋云大房

玉飾俎也其制足間有橫下有跗似乎堂後

有房然萬舞干舞也補曰犧當為義氣也

和鬱鬯之尊也明堂位曰山榘夏后氏之尊

著殷尊犧象周尊又曰尊用義象山榘鬱尊

用黃目謂魯以諸侯之義尊盛鬱者為酒尊

也禮器曰君西酌義象夫人東酌榘尊象者

君尊之名義象者以義為象尊山榘者以山

為榘尊皆魯所獨也其餘諸侯鬱尊用義酒

尊用象夏制有山尊周制有榘尊各以宜分

用焉天子鬱尊有黃曰魯亦有之唯以義盛
酒爲異故專言義尊也將將交錯之容義字
司尊彝作獻王肅謬以犧象爲獸形妄之甚
也毛魚大祝謂之隋釁許慎說隋裂肉謂并
毛魚之裂見肉也釁薰也合黍稷燒之故曰
薰隋釁時用明水以象太古燔黍捭豚蕭合
黍稷以達馨香反古復始重於太牢也用特
牲者哉四豆黍羹涪一登皆設於門外用牢
則無矣此天子祭太廟之禮諸侯所無封人
云歌舞牲及毛魚之豚注以爲備八珍非也
凡天子祭太廟於迎牲之前先魚特豚其入
與迎牲同故用舞迎之大房明堂位所謂房
俎次於籩豆者燔俎也主婦亞獻尸乃設籩
燔從焉正俎用椀巖燔俎用房俎亦魯所獨
故大之明堂位說魯王禮以朱干俾爾熾而
玉戚冕而舞大武故曰孝孫萬舞

昌俾爾壽而臧保彼東方魯邦是常不虧不

崩不震不騰三壽作朋如岡如陵震動也騰乘也壽老

也箋云此皆慶孝孫之辭也俾使臧善保安常守也虧崩皆謂毀壞也震騰皆謂僭踰相

侵犯也三壽三卿也岡陵取堅固也補曰俾爾嘏詞也常歲祭太祖廟之詞常尚也為

東伯故東方皆尊魯商頌曰曰商是常君與三卿四人同簋故曰作朋僖卿公子友公孫

慈臧孫辰友年六十內外辰在位六十一年

公車千乘朱英綠滕二矛重弓大國之賦千乘朱英矛飾

滕繩也重弓重於鬯中也箋云二矛重弓備折壞也兵車之法左人持弓右人持矛中人

御補曰公車公自置之軍也魯爲伯國不

同大國之制其出軍用天子命發諸侯得將

六軍而其本國止二軍蓋寰內侯制耳僖公

始自同大國以魯賦從二伯故有千乘之制

若本千乘則不足頌也二矛酋矛夷矛竝建

車上見其朱英焉交韋二弓緣緄滕者君車

弓滕用公徒三萬貝冑朱綬烝徒增增貝冑

緣也朱綬以朱綬綴之增增眾也箋云萬二千

也五百人爲軍大國三軍合三萬七千五百人

言三萬者舉成數也烝進也徒進行增增然

補曰許慎說綬縫綬貝冑朱縫蓋人君之

冑飾千乘則徒四萬又不待更言也此別云

公徒而著貝冑則公在徒兵中不在車中魯

爲西伯本止二軍二萬五千人故舉大數言

三萬公既以大國之賦具車仍以二伯之儀

具徒車千乘徒四萬二軍徒又三萬故見其
漆漆然二伯所以但有徒兵者其車徵之於
經行之國采芑云車三千方叔蒞之出
車云僕夫謂載旗旒旒旒皆其證也

戎狄是膺荆舒是懲則莫我敢承膺當承止也箋云懲

艾也僖公與齊桓舉義兵北當戎與俾爾昌

而熾俾爾壽而富黃髮台背壽胥與試箋云此慶

僖公勇於用兵討有罪也黃髮台背皆壽徵
也胥相也壽而相與試謂講氣力不衰倦

補曰再稱嘏詞者為告捷太祖別撰之也試
用也黃髮老臣相與效用言僖公幼冲能任

老成也世家言莊公娶齊女哀姜無子嫡叔
姜生子開為潛公潛公弟申為釐公則僖公

立時十歲左傳說僖公母成風公羊傳同左
傳以僖爲閔庶兄若與子般俱莊公年十五
所生則僖立時年三十六伐楚時年四十五
亦不得云黃髮又其時母存尤不可頌壽俾

爾昌而大俾爾耆而艾萬有千歲眉壽無有

害箋云此又慶僖公勇於用兵討有罪也中
時魯微弱爲鄰國所侵削今乃復其故故

喜而重慶之俾爾猶使女也眉壽秀眉亦壽

徵補曰三稱嘏詞者前二太祖廟此則四
親廟同詞使爾耆艾者言君

雖幼少使如五六十時人

大山巖巖魯邦所詹奄有龜蒙遂荒大東大

一作泰山 詹至也龜山也蒙山也荒有也

箋云奄覆荒奄也大東極東補曰蒙山羽

山在今贛榆李黼平說即夾谷至于海邦淮夷來同莫不率

從魯侯之功箋云海邦近海之國也來同為同盟也率從相率從於中國也

魯侯謂僖公補曰

海邦莒郟邾之屬

保有鳧繹遂荒徐宅至于海邦淮夷蠻貊繹

一作嶧貉 鳧山也繹山也宅居也淮夷蠻

貊而夷行也 補曰鳧繹魯南界邾境之地

近在百里故言保焉

徐在魯南四百里及彼南夷莫不率從莫

敢不諾魯侯是若南夷荆楚也若順也箋云諾應詞也是若者是僖公

所謂順也 補曰僖公從伯

主獎王室再言魯侯以美之

天錫公純嘏眉壽保魯

箋云純大也受福曰嘏補曰以上頌武

功爲嘏詞居常與許復周公之字

常許魯南鄙西鄙箋

云許許田也魯朝宿之邑也常或作嘗在薛

之旁春秋魯莊公三十一年築臺於薛是與

周公常有常邑所由未聞也六國時齊有孟嘗

君食邑於薛補曰常許蓋周公爲東伯時

所統國常蓋成也莊公取之許卽魯侯燕喜

許男之國隱公入許而得其田

令妻壽母宜大夫庶士箋云燕燕飲也令善也僖公燕飲於內寢

則善其妻壽其母謂爲之祝慶也與羣臣燕

則欲與之相宜亦祝慶也補曰燕喜功成

師還之宴六月曰吉甫燕喜是也僖公八年

鄭伯乞盟是時楚服五年矣八年七月禘于

太廟用致夫人廢楚女而立齊女妄依成王
禘禮然當時以為盛事故頌令妻也僖母猶
在於致夫人亦入廟故頌壽母也對姑不
稱婦者詩史異例大夫庶士助祭者也邦

國是有既多受祉黃髮兒齒箋云是有猶常

徵補曰邦國鄰國有之言親也兒當為覲
老人齒不相值之兒以上皆奚斯所作祭嘏

詞之

徂來之松新甫之柏是斷是度是尋是尺松

桷有舄路寢孔碩新廟奕奕徂來山也新甫

桷榱也舄大兒路寢正寢也新廟閔公廟也
箋云孔甚碩大也奕奕姸美也修舊曰新新

者姜嫄廟也僖公承衰亂之政脩周公伯禽
之教故治正寢上新姜嫄之廟姜嫄之廟廟
之先也補曰新廟僖公廟也文公禘太廟
躋僖公而作此詩言徂來新甫之松柏美僖
公奄龜蒙也路寢新奚斯所作有大夫公子
廟之寢詩不頌閔公奚斯者作是
廟也箋云奚斯作者教護屬功課章程也至
文公之時太室屋壞補曰班固說奚斯頌
魯作是篇也史克全用其詞故顯作詩之人
詩不美奚斯無容頌其作廟既無所刺亦不
宜自顯作孔曼且碩萬民是若曼長也箋云
詩人名孔曼且碩萬民是若曼脩也廣也
是然也國人謂之順補曰言頌聲甚
長延且大萬民皆順奚斯稱美不虛也

閔宮八章二章章十七句一章十二句

言二
一
一章卅八句二章章八句二章章十句
駟之什四篇二十三章二百四十三句

魯頌

那之什毛詩詁訓傳第三十

那祀成湯也 微子至於戴公其間禮樂

廢壞有正考甫者得商頌十二篇於周之

大師以那爲首

禮樂廢壞者君怠慢於爲政不脩祭祀朝聘養賢待

賓之事有司忘其禮之儀制樂師失其聲之曲折由是散亡也自正考甫至孔子之

時又無七篇矣正考甫孔子之先也其祖弗甫何以有宋而授厲公補曰世家言

微子開弟微仲衍衍子宋公稽子丁公申

子湣公共其弟煬公熙其子厲公鮒祀子

釐公舉子惠公颯子哀公哀公子戴公二

公並佚其名不知詩亡之時故統言至於

猗與那與置我鞀鼓

猗歎詞那多也鞀鼓樂之所成也夏后氏足鼓

殷人置鼓周人縣鼓箋云置讀曰植植鞀鼓

者為楹貫而樹之美湯受命伐桀定天下而

作濩樂故歎之多其改夏之制乃始植我殷

家之樂鞀與鼓也鞀雖不植貫而搖之亦植

之類補曰鞀者堂下樂節與磬之用同鼓

者禮樂之大節殷人先下管故重鼗也那安

也美其安定天

下功成作樂

奏鼓簡簡衍我列祖

衍樂也烈祖湯

有**功烈**之祖也箋云奏鼓奏堂下之樂也烈

祖湯也以金奏堂下諸縣其聲和大簡簡然

以樂我功烈之祖成湯補湯孫奏假綏我

曰烈業也烈祖勗業之祖

思成湯孫太甲又奏升堂之樂弣歌之乃安

我心所思而成之謂神明來格也禮記曰齊

之日思其居處思其笑語思其志意思其所

樂思其所嗜齊三日乃見其所為齊者祭之

日入室僂然必有見乎其位周旋出戶肅然

必有聞乎其容聲出戶而聽愾然必有聞乎

其歎息之聲此之謂思成補曰湯孫猶曾

孫殷後王之通稱周曰文孫也奏湊也烈祖

曰醴假無言禮記亦作奏假假至也助祭者

總至安我利成**鞀鼓淵淵嘒嘒管聲既和且**

之事言受福

平依我磬聲

嘒嘒然和也平正平也依倚也磬聲之清者也以象萬物之成

周尚臭殷尚聲箋云磬玉磬也堂下諸縣與

諸管聲皆和平不相奪倫又與玉磬之聲相

依亦謂和平也玉磬尊故異言之補曰殷

之樂先下管後升歌鞀節管磬節琴瑟故先

鞀管後磬和平於赫湯孫穆穆厥聲庸鼓有

依聲謂琴瑟也於赫湯孫穆穆厥聲庸鼓有

鞀萬舞有奕於赫湯孫盛矣湯爲人子孫也

閑也箋云穆穆美也於盛矣湯孫呼太甲也

此樂之美其聲鐘鼓則鞀然有次序其于

舞又閑習補曰穆穆天子之容言感於和

聲也庸鼓萬舞言笙頌間歌而舞行並進

臯通用字鞀卽臯也臯鼓大鼓庸鼓頌鼓禮

東笙西頌西有二建鼓一東面一南面東面

者謂之頌鼓以爲樂主其聲如皐鼓大壯也

我有嘉客亦不夷懌

自古在昔先民有作温恭朝夕執事有恪

夷說

也先王稱之曰自古古曰在昔昔曰先民有作有所作也恪敬也箋云嘉客謂二王後及諸侯來助祭者我客之來助祭者亦不說懌乎言說懌也乃太古而有此助祭之禮非專於今也其禮儀温温然恭敬執事薦饌則又敬也補曰嘉客二王後也古昔先三等三恪也國語以古後于昔昔後于先恪字本作憲亦客也二王後爲賓三聖後爲客客小於賓或通稱焉殷之三恪則高陽高辛陶唐之後也周初猶有三恪其後黜杞王魯罷三恪

顧子烝嘗湯孫之將

箋云顧猶念也將猶扶助也嘉客念我殷家有

時祭之事而來者乃太甲之扶助也序助者
之來意也補曰烝嘗祭太祖廟之名故主
言焉言烈祖顯念
後王而福助之

那一章二十二句

烈祖祀中宗也

中宗殷王大戊湯之玄孫
也有桑穀之異懼而修德

殷道復興故表
顯之號爲中宗

嗟嗟烈祖有秩斯祐申錫無疆及爾斯所既

載清酏賚我思成

秩常申重酏酒賚賜也箋
云祐福也賚讀如往來之

來嗟嗟乎我功烈之祖成湯既有此王天下
之常福天又重賜之以無竟界之期其福乃

及女之此所女女中宗也言承湯之業能興
 之也既載清酏於尊酌以裸獻而神靈來至
 我致齊之所思則用成重言嗟嗟美歎之深
 補曰常福謂不祧也所斥宗廟也爾大戊
 為中宗廟亦不祧是重錫及爾也清酏清酒
 所謂醖酒況清周則用鬯一宿成曰酏賜我
 思利成之福亦**有和羹既戒既平**戒至箋云
 言功德宜宗**亦**和羹**既**戒**既**平和羹者五
 味調腥熟得節食之於人性安和喻諸侯有
 和順之德也我既裸獻神靈來至亦復由有
 和順之諸侯來助祭也其在廟中既恭肅敬
 戒矣既齊立平列矣補曰亦者亦太祖也
 太祖之廟則特牲饋食而有太羹不祧之廟
 禮亦同之既設太羹別設鉶羹也不言太羹
 者蓋文家貴太質家貴和
 戒戒百官也平讀為辯

馷假無言時靡有

爭綏我眉壽黃苟無疆

禮記引作奏 馥

無爭也箋云至於設薦進俎又總升堂而齊

一皆服其職勸其事寂然無言語者無爭訟

者此由其心平性和神靈用之故安我以壽

考之福歸美焉 補曰馥至假大助祭者大

至也無言者皆以為宜宗靡

爭者言時太平也眉壽嘏詞

約軼錯衡八鸞

鷓鷯以假以高我受命溥將

八鸞鷓鷯言文

大也箋云約軼轂飾也鸞在鑣四馬則八鸞

假升也高獻也將猶助也諸侯來助祭者乘

象轂金飾錯衡之車駕四牡其鸞鷓鷯然聲

和言車服之得其正也以此來朝升堂獻其

國之所有於我受政教至祭祀又溥助我言

得萬國之歡心也 補曰約錯周卿之車殷

諸侯入王朝蓋乘卿車如周乘墨車也鸞白
聲天子迎賓之節諸侯至高言當人心也

天降康豐年穰穰來假來饗降福無疆饗從唐石

經版本作高箋云天於是下平安之福使

年豐饗謂獻酒使神饗之也諸侯助祭者來

升堂來獻酒神靈又下與我久長之福也

補曰宗配上帝自天來者謂上帝也饗饗此

祀也顧子烝嘗湯孫之將箋云此祭中宗諸侯

將者中宗之高此祭由湯之功故本言之

補曰不祧之廟故詞同太祖烝歲祭也嘗大

饗也名與時祭同而

大於時祭又不同時

烈祖一章二十二句

玄鳥祀高宗也

祀當為禘禘合也高宗殷王武丁中宗玄孫之孫也

有雒雉之異又懼而脩德殷道復興故亦表顯之號為高宗云崩而始合祭於契之廟歌是詩焉古者君喪三年既畢禘於太祖明年禘於羣廟自此之後五年而再殷祭一禘一禘春秋謂之大事

天命玄鳥降而生商宅殷土芒芒

玄鳥皐也春分玄鳥

降湯之先祖有娥氏女簡狄配高辛氏帝帝率與之祈于郊禱而生契故本其為天所命以玄鳥至而生焉芒芒大兒箋云降下也天使皐下而生商者謂皐遺卵娥氏之女簡狄吞之而生契為堯司徒有功封商堯知其後將興又錫其姓焉自契至湯八遷始居亳之

殷地而受命國日以廣大芒芒然湯之受命
由契之功故本其天意補曰本符瑞以致

諸侯古帝命武湯正域彼四方方命厥后奄有

九有正長域有也九有九州也箋云古帝天

有邦域為政於天下方命其君謂徧告諸侯

也湯有是德故覆有九州為之主也補曰

古帝夏后也契封始夏後乃有商之先后受

湯湯亦古帝所命非桀諸侯也

命不殆在武丁孫子武丁高宗也箋云后君

行之不解殆者在高宗之孫子言高宗興湯
之功法度明也補曰殆危也殷衰而復興
故喜其不殆焉武丁孫子孫子武
丁也合食太祖其詞曰爾孫某甫武丁孫子

武王靡不勝龍旂十乘大糝是承

勝任也箋云交龍爲

旂糝黍稷也高宗之孫子有武功有王德於

天下無所不勝服乃有諸侯建龍旂者十乘

奉承黍稷而進之者亦言得諸侯之懽心十

乘者二王後八州之大國補曰武王湯也

湯之事武丁無所不堪故可爲宗同不祧也

助祭言約輒不言龍旂十乘兵車之制也五

車皆有萃合爲十乘龍旂者王親征所建也

言凱還而祭廟六月曰元戎十乘車僕凡師

共革車各以其萃會同亦如之蓋武丁既克

鬼方而遂會諸侯率以助祭諸侯咸來故下

又頌民邦畿千里維民所止肇域彼四海畿

止也

也箋云止猶居也肇當作兆王畿千里之內

其民居安乃後兆域正天下之經界言其爲

政自內及外補曰始遷朝歌招流亡故頌
千里民止也肇始也域猶限也限九州三千

里之域以四海來假來假祁祁景員維河殷
遏絕四夷

受命咸宜百祿是何河一作何是何一作是
苛景大員均何任也

箋云假至也祁祁眾多也員古文作云河之

言何也天下既蒙王之政令皆得其所而來

朝覲貢獻其至也祁祁然眾多其所貢於殷

大至所云維言何乎言殷王之受命皆其宜

也百祿是何謂當擔負天之多福補曰雖

限內外四海猶慕義來至故祁祁安舒無戰

爭也大均維河河水太平也河決爲殷患至

武丁而平於是拓王畿徙都朝歌殷家水德

故以爲受命之宜至周初而河合殷曰允猶

翁河齊桓因塞八流河自此無患至定王河

徙又灾也自此定都
改國號如更受命

玄鳥一章二十二句

長發大禘也

大禘郊祭天也禮記曰王者禘其祖之所自出以其祖配

之是謂也

補曰除喪祭明堂曰大禘奉

新主配天因

禘祭先王也殷郊汁光紀以

冥配此禘湯之

詞殷質家祖契

宗相土其四親

廟主合食于契

濬哲維商長發其祥洪水芒芒禹敷下土方

外大國是疆幅隕既長

濬深洪大也諸夏爲外幅廣也隕均也箋

云長猶久也隕當作圓圓謂周也深知乎維商家之德也久發見其禎祥矣乃用洪水禹

敷下土正四方定諸夏廣大其竟界之時始

有王天下之萌兆歷虞夏之世故為久也

補曰濬通也契為司徒掌敷教故曰通明商

契也身未王故長久乃發其祥方正也敷土

而方之謂畫井分州也外者四海之外外大

國夷狄戎蠻也契是疆之佐禹敷教其教廣

布均降于下民既長遠有城方將帝立子生

矣言契功今猶在民也

商 呂覽劉向引並無帝 有城契母也將大

也契生商也箋云帝黑帝也禹敷下土之

時有城氏之國亦始廣大有女簡狄吞齔卵

而生契堯封之於商後湯王因以為天下號

故云帝立子生商 補曰言契因母家之封

而改城為商也稷即有郃商生于城其事則

未

聞

圖說

玄王桓撥受小國是達受大國是達率履不

越遂視既發

桓大撥治履禮也

玄王契也

而立子故謂契為玄王遂猶徧也發行也玄

王廣大其政治始堯封之商為小國舜之末

年乃益其土地為大國皆能達其教令使其

民循禮不得踰越乃徧省視之教令則盡行

也補曰玄猶遠也契稱王蓋追王也考河

命說益契土地握河紀注云契為上公蓋益

地為伯分陝也履所治也左傳曰賜我先君

履遂成也既盡也教成而考視之盡行其教

也相土烈烈海外有截

相土契孫也烈烈威也箋云截整齊也相

土居夏后之世承契之業入為王官之伯出

長諸侯其威武之盛烈烈然四海之外率服

截爾整齊

補曰本紀言契子昭明昭明

子相士蓋有武功定海外故言烈烈有截

帝命不違至于湯齊

齊三家作躋

至湯與

者天之所以命契之事世世行

湯降不遲聖

之其德浸大至於湯而當天心

湯降不遲聖

敬曰躋昭假遲遲上帝是祇帝命式于九圍

不遲言疾也躋升也九圍九州也箋云降下

假暇祇敬式用也湯之下士尊賢甚疾其聖

敬之德日進然而以其德聰明寬暇天下之

人遲遲然言急於己而緩於人天命是故愛

敬之也天於是又命之使用事於天下言王

之也補曰舜禹及身而王契十世乃王故

嫌其遲也下又言遲遲者以遲為佗昭假言

精明升格於天也雲漢曰昭假無羸烝民曰

昭假于下遲遲當為佗佗行可從迹也倭遲
或為委佗是古字通上帝古聖帝也敬是古
聖之道故有天子之位九
圍者四海之內九州也

受小球大球為下國綴旒何天之休綴旒魯

球玉綴表旒章也箋云綴猶結也旒旌旗

之垂者也休美也湯既為天所命則受小玉

謂尺二寸圭也受大玉謂珽也長三尺執圭

搢珽以與諸侯會同結定其心如旌旗之旒

繆著焉擔負天之美譽為眾所歸鄉補曰

球天球美玉小者諸侯圭大者天子圭言湯

起諸侯為天子也綴旒旒不競不綌不剛不

所綴春秋傳曰君若贅流

柔敷政優優百祿是適綌急也優優相也適

逐不與人爭前後補曰不詞也字又作不
下國競綵附湯者以湯有剛柔之德也綵猶

也固也
受小共大共爲下國駿龐何天之龍龐韓作

法駿大龐厚龍和也箋云共執也小共大共

猶所執措小球大球也駿之言俊也龍當作

寵寵榮名之謂補曰共供也貢也小貢國

中之貢大貢天下之貢駿龐奔走之兒言諸

侯來附敷奏其勇不震不動不懟不竦百祿是

總敷一作孚總一作巽難恐竦懼也箋云

不震不動不可驚憚也補曰下國震竦

是湯

勇也

武王載旆有虔秉鉞如火烈烈則莫我敢曷

旆韓作發說文引作拔曷漢書引作遏武

王湯也旆旗也虔固曷害也箋云有之言又

也上既美其剛柔得中勇敢不懼於是武

功有王德及建旆興師出伐又固持其鉞志

在誅有罪也其威勢如猛火之炎熾誰敢禦

害我補曰載始也書曰湯始征自葛載虔

武兒苞有三蘖莫遂莫達九有有截

作包苞本蘖餘也箋云苞豐也天豐大先

三正之後世謂居以大國行天子之禮樂然

而無有能以德自遂達於天者故天下歸鄉

湯九州齊一截然補曰三蘖韋顧昆吾也

苞包也湯能包舉三國使

其惡不遂達故能治九域

韋顧既伐昆吾夏

樂

顧漢書引作鼓

有韋國者有顧國者有

昆吾國者箋云韋豕韋彭姓也顧昆吾皆已姓也三國黨於桀惡湯先伐韋顧克之昆吾夏桀則同時誅也

質家言也周

則曰大商

昔在中葉有震且業允也天子降予卿士

世葉

也業危也箋云中世謂相土也震猶威也相土始有征伐之威以為子孫討惡之業湯遵而興之信也天命而予之下予之卿士謂生賢佐也春秋傳曰畏君之震師徒撓敗

補

曰中葉冥也冥上距契五世下至湯七世業功也冥有聲震且成功業是佐命之賢臣今湯信為天子天又下與以如冥

之卿士伊尹蓋出自冥故云

實維阿衡實

左右商王

阿衡伊尹也左右助也箋云阿倚衡平也伊尹湯所依倚而取平故

以為官名商王湯也

補曰阿衡復立太甲

故頌其能助王如雍頌周公也馬昭說宋禘

非所歌

長發七章一章八句四章章七句一章

九句一章六句

補曰分章者以別於先王

殷武祀高宗也

補曰此武丁廟之頌歌

撻彼殷武奮伐荆楚采入其阻喪荆之旅

采傳

讀為突說文引作采

撻疾意也殷武殷王

武丁也荆楚荆州之楚國也采深喪聚也箋

云有鐘鼓曰伐梁冒也殷道衰而楚人叛高宗撻然奮揚威武出兵伐之冒入其險阻謂踰方城之隘克其軍率而俘虜其士有截其眾補曰褒俘通用字俘即俘也

所湯孫之緒箋云緒業也所猶處也高宗所

整截然齊壹是乃湯孫太甲之等功業補曰湯孫謂武丁也

維女荆楚居國南鄉昔有成湯自彼氏羌莫

敢不來高莫敢不來王曰商是常鄉所也箋云氏羌夷

狄國在西方者也高獻也世見曰王維女楚國近在荊州之域居中國之南方而背叛乎成湯之時乃氏羌遠夷之國來見曰商王是吾常君也此所用責楚之義女乃遠夷

之不如補曰南鄉以郊外六鄉爲喻
言近也氏羌在九州之外常讀爲尚

天命多辟設都于禹之績辟君箋云多眾也

君諸侯立都於禹所治之功補曰天斥武

丁也多辟設都皆在九州內是禹功之所舊

治歲事來辟勿子禍適稼穡匪解適過也箋

來王也以歲時來朝覲於我殷王者勿罪過

與之禍適徒敕以勸民稼穡非可懈倦時楚

不修諸侯之職此所用告曉楚之義也禹平

水土弼成五服而諸侯之國定是以云然

補曰予當爲與與禍適者與作禍者

同黨相倡和也戒諸侯無效楚所爲

天命降監下民有嚴不僭不濫不敢怠遑命

于下國封建厥福

嚴敬也不僭不濫賞不僭刑不濫也封大也箋云降

下遑暇也天命乃下視下民有嚴明之君能

明德慎罰不敢怠惰自暇於政事者則命之

於小國以為天子大立其福謂命湯使由七

十里王天下也時楚僭號王位此又所用告

曉楚之義

補曰天武丁也言

武丁命行于下國邦國皆立福

商邑翼翼四方之極

商邑京師也箋云極中

可則效乃四方之中正也

補曰言武丁遷京定治赫赫厥聲濯濯厥

靈壽考且寧以保我後生

箋云赫赫乎其出政教也濯濯乎其

見尊敬也王乃壽考且安以此全守

我子孫此又用商德重告曉楚之義

陟彼景山松柏丸丸是斷是遷方斲是虔丸丸

易直也遷徙虔敬也箋云榘謂之虔升景山

掄材木取松柏易直者斷而遷之正斲於榘

上以為榘與眾楹補曰景山在帝丘定中

所謂景山與京者武丁遷朝歌未久而材木

已可用言松榘有榘旅楹有閑寢成孔安榘長

政事脩舉松榘有榘旅楹有閑寢成孔安榘長

兒旅陳也寢路寢也箋云路寢既成王居之

甚安謂施政教得其所也高宗之前王有廢

政教不修寢朝者高宗復成湯之道故新路

寢焉補曰武丁耐於祖則改涂易檐故見

榘榘然也旅讀為榘柱上榘也寢武丁廟

路寢也廟當不祧故寢成而見其甚安固

殷武六章三章章六句二章章七句一

章五句

那五篇十六章百五十四句

商頌

頌二

弟子桂陽陳兆奎棊校

詩廿